

## XXVII. IGANDEA URTEAN ZEHAR (B)

### Otoitza

Jainko ahalguztidun betierekoa,  
neurrigabea izanik zeure maitasuna,  
guk merezi eta uste dugun baino gehiago  
betetzen dituzu gure eskariak;  
isur ezazu gure gainera zeure errukia,  
gaitzakeria guztietatik garbi gaitzazun  
eta eskatzera ausartzen ez garena ere eman diezaguzun.  
Zure Seme Jesu Kristo.

I. IRAKURGAIA: Gn 2, 18-24

*Eta biak haragi bat izango dira.*

Genesis liburutik

Jaungoiko Jaunak honela zioen bere baitan: «Ez da on, gizona bakarrik egotea; berari dagokion laguna egingo diot».

Eta Jaungoiko Jaunak landako abere eta zeruko hegazti guztiak egin zituen lurretik, eta gizonari ekarri zizkion, zer izen ematen zien ikusteko; eta bizidun orok, gizonak jarritako izena du bere izen. Eta gizonak izena ezarri zien abere guztiei eta zeruko hegazti guztiei, eta basa pizti guztiei; baina ez zen aurkitzen gizonari zegokion lagunik.

Orduan Jaungoiko Jaunak lo astun bat harrarazi zion gizonari; eta lo hartu zuen; saiheits hezur bat kendu zion, eta hutsunea haragiz bete zuen; hari kendutako saiheits hezurrez emakumea egin zuen Jaungoiko Jaunak, eta aurrera eraman zion gizonari. Eta gizonak esan zuen:

«Hau bai dela nire hezurretako hezur  
eta nire mamiko mami.

"Emakume" izango du izen,  
Gizonetik egina izan baita».

Horregatik gizonak aitamak utziko ditu, eta bere emaztearekin elkartuko da; eta biak haragi bat izango dira.

ERANTZUN SALMOA: Sal 127, 1-2. 3. 4-5. 6

R/. **Jaunak bedeinka gaitzala,  
gure bizitzako egun guztietan.**

Dohatsu Jaunaren beldur dena,  
Haren bideetan dabilena!  
Zure eskuen lana baituzu jango,  
zoriontsu izango zara eta ongi zaizu joango. R/.

Zure emaztea mahasti emankorraren antzean,  
zure etxe barnean;  
zure seme-alabak badirudite olio-kimuak,  
zure mahai inguruan. R/.

Begira, hala izango da bedeinkatua gizona,  
Jaunari beldur diona.  
Jaunak Siondik bedeinka zaitzala,  
Jerusalen dohatsu ikusiz beti bizi zaitezela. R/.

Ikus ditzazula zeure seme-alaben umeak!  
Bakea Israel herrian! R/.

## II. IRAKURGAIA: Heb 2, 9-11

*Santutzailea eta santu eginak,  
guztiak jatorri batetik datoz.*

Hebertarrei egindako epistolatik

Senideok: Apur batez aingeruak baino beheragotua izan den Jesus, orain aintzaz eta ederrez koroatua ikusten dugu, jasan zuen heriotzagatik; Jaungoikoaren onginahiz, guztien onerako hartu zuen heriotza.

Gauza guztiak Berarentzat eta Berarengatik egin zituenak, egoki iritzi zuen seme-alaba asko aintzara eramateko, haien salbamenaren egilea oinaze bidez bere betera eramatea. Santutzailea eta santu eginak, guztiak jatorri batetik datoz. Horregatik ez du, haiei «senide» deitzeko lotsarik.

## EBANJELIOA: Mk 10, 2-16

**Aleluia:** 1 Jn 4, 12b

R/. Aleluia.

V/. Elkar maite badugu, Jaungoikoa gurekin dago  
eta Haren maitasuna  
bere betera iritsi da gure artean. R/.

*Irakurgai laburragoa egin nahi bada, [ ] kako artean ematen den zatia utz daiteke.*

*Jaungoikoak batu duena,  
ez beza gizonak banatu.*

Jesu Kristoren Ebanjelioa San Mateoren liburutik

Aldi hartan, hurbildu zitzaizkion farisear batzuk Jesusi, eta azpikeriaz honela galdetu zioten: «Zilegi al zaio gizonari bere emaztea uztea?» Jesusek erantzun zien: «Zer agindu zizuen Moisesek?» Haiek erantzun: «Moisesek emaztea uzteko eskubidea eman zuen, ezkontza hausten delako agiria berari emanaz».

Jesusek esan zien: «Zuen bihotz-gogorkeriagatik idatzi zizuen Moisesek agindu hori; baina munduaren hasieratik, gizaseme eta emakume egin zituen Jaungoikoak. Horregatik gizonak aitamak utziko ditu eta emaztearekin elkartuko da; eta biak haragi bat izango dira. Ez dira, beraz, bi; haragi bat baizik. Jaungoikoak batu zuena, ez beza gizonak banatu».

Etxera etorririk, berriro gauza hartaz galderak egin zizkieten ikasleek. Hark erantzun zien: «Bere emaztea utzi eta beste batekin ezkontzen denak, haren kontrako ezkontz nahastea egiten du; eta emazteak senarra uzten badu eta beste batekin ezkontzen bada, ezkontz nahastea egiten du».

[ Eta haurtxo batzuk ekartzen zizkieten Jesusi, uki zitzaizkien; ikasleek, or

Baina Jesus, hori ikustean, haserretu zen eta esan zien: «Utz hurrei Niregana etortzen; ez galarazi; horrelakoena da eta Jaungoikoaren erreinua. Benetan diotsuet: Jaungoikoaren erreinua haurtxo batek bezala hartzen ez duena, ez da han sartuko».

Eta, besotan hartuz, bedeinkatu egiten zituen, eskuak gainean ezarriz. ]

### **Oparigaien gainekoa**

Onar, Jauna,  
zeure aginduz egiten dizugun oparia;  
eta, Zu goresteke ospatzen dugun Eukaristia honen bidez,  
santu egin gaitzazu eta emaguzu zeure salbamena.  
Jesu Kristo.

### **Jaunartze ondorengoa**

Jainko ahalguztiduna,  
ogi-ardo hauetan hartu ditugun Kristoren gorputz-odolek  
Beraren irudiko egin gaitzatela.  
Jesu Kristo.